

Abonnement pour un an

300 piastres

Edition spéciale 500 ptrs.

Adresse:

"IDJTIHAD," Constantinople

Téléph. St. 865

XXII ème ANNÉE

1926 15Septembre-No212

الاجتهاد

IDJTIHAD

علمی ، ادبی ، اقتصادی مجموعہ

آبونمان : سنہ لکھی [۲۴ نسخہ]

تورکیا ایچون ۲ ، خارج ایچون

۳ ، اعلا کاغدا یسی ۵ لیرادر .

ادارہ خانہ سی :

جفال اوغلندہ « اجتهاد ٹھوی »

تلفون : استانبول ۸۶۵

یکرمی ایکینچی سنہ

نومرو ۲۱۲ - ۱۵ ایلول ۹۲۶

پوسته قوطوسی :

جناب محی الدین بکه : نفیس منظومه کز آنجاق بو
نسخه یه تیشدی . قارلریمزك مکتوبلرینه درحال جواب
ویرمک ممکن اولیور . هر هفته یوزلرجه کلن مکتوبلره
آری آری جواب ویرمک ممکن دکل .
تیمور اوغلی تحسین بکه : رسمکزه و محبتکزه یور کدن
تشکرایده رز . (سویله نیش) سر نامه لی منظومه کز کوزلدر .

یوللر طوزلو ، ثولر بوتون کومولو

سسسزك ایچنده صانکه آغلا یور ؛

کونش کیتمش کوندوز صانکه بر ثولو ،

داغلا باشلرینه سیاه باغلا یور .

قطعه لیکزك اڭ کوزلدر . « کیتمش » کله سی یرینه
« باتمش » ، سیاه کله سی یرینه ده « قاره » کله لری قویسه کزدها
ای اولور . کونش کیتمش یوقدر . باتماسی واردر . قاره
باغلامق تعبیری واردر . سیاه باغلامق تعبیری یوقدر .

نهایتسز کجه اوزاقده ایکی

پارلاق ییلدیزی آلمش کوسنه

برسی چوق پارلاق لاکن بریکی

بللی که آغلا یور درین درینه

قطعه سی ده کوزلدر . هله « ایکی » و « بریکی » قافیه لری

قولانه یکی برس ایله چینلا یور . شوقادار که « درین درینه »

دوغرو دکل « دریندن درینه » دنیله بیامک لازم . ر . محمد

مسیح بکه اتحاد ایدیلن منظومه ده چوق آغلامق وار . بو

قادر آغلامق برا ککده ، برقادینه ده یاقیشماز . شاعر لک

صمدانی وظیفه سی واردر . اونلر فضله حسلی درلر ، بوندن

دولای المری شیشیر لر واونلرک کوللری معظم بر معبد

قبه سی کی کوچوک سسلری واینلری بیوتور واوزاتیر .

فقط بونی متعاقب شاعر کنندیسنی طویلالمالی سبجانی

وظیفه نك عزم ، تحمل ، مجاهده ، فکر ایچون ، وطن ، ملت

ودها واسع اوله رق انسانیت ایچون سعادت ، آهنگ کتیرمک

اولدیننی تخطر ایتلی . برثلث عصر اول معموره العزیز

مطبعه سنده باصیلان (غوریل) آدی و تاریخ طبیعی یه عائد

بر ترجمه مزك باشنده بوپرنسپی « تنویر و مقاومت » کله لریله

اجمال ایتمشك . ارتجاعه ، سوء اخلاق سوق و جریانه

مقاومت ؛ دوغرو لغه ، حقانیت ، یوکسکله وایلری یه کورتورن
یوللری تنویر . بناء علیه ، شعرلر مز حزن و ملالیزی ترنم
ایتمه یه منحصر اولماسین . مرحمت ، محبت ، یوکسکله
وایلریله مک شوق ترنم والهام ایتسین . بونلرک معکوسلرینه
مقاومت و عصیان شائنه و سائته سی اولسون . آمان بیو کا
دقت ایدک . آغلامق یاساق . کوزیا شلری اریوب آقان عزم
و املدر . اوکمزده یوکسکله جک بر ملت وار ، هر
پروغره سیسیت سعی تقید ایتک شویله دورسون .
تشجیع ایدن بر حکومتز و رأس حکومتز وار . بوملت
فقدردن ، جهلدن ، مرضدن ، مسکمتدن ، باطل اعتقادلردن
قرون وسطائی حیاتدن تخلص ایدمک لازمدر . بونلر
آغلامق ، جهانی قاره ویا سیاه کورمکله اولماز . آمریشالی شاعر
Longfellow ک دیدیکی کبی « حیات رؤیا دکلدر ،
حیات حقیقتدر . حیات شائی در ، جدیدر » دیه رک ایشه
باشلامق اولور . (عمر خیام) حیاتک کچجیلکنی و بوندن
استفاده یه مسارعت ایتک لازم کلدیکنی تکرار ایدرکن
بر رباعیسنده « ثلومدن قورقام ، او طبعی و اجتناب
اولونامایان بر حالدر واوندن قورقق عبثدر ، نم قورقدیغ
فنا یا شامقدر » دیور ، که بوندن ده اصاصلام پر نسیپ اولماز .
بوزمین اوزهرینه صیق صیق عودت ایده جکز و بو اورسک
اوزرنده ده چوق چلیک کچکله یه جکز . ع . ج

یکی کتابلر :

آمریقا تربیه اصوللری

معارف وکالتی طرفندن طبع ایتدیریلن بومعظم وچوق
مهم کتابک اوچنچی و صوکنچی جلدی انتشار ایتشد .
درت یوزدن زیاده رسم ایله مزین و غایت نفیس مطبوعدر .
صوک جلد یالکز ۷۰ غروش فأت تونمشدر که همان همان
کاغدی بهاسی دیمکدر . معارف لریمز ، معلم لریمز ، مربیلریمز
و علی العموم چو چوق باللریمز ایچون مطالعه و ملاحظه
اولونماسی الزم بویله اثرلری نشره اهتمام ایته سندن دولای
معارف وکالتی تبریک و تحیل ایتک فرضدر .

بر صوفته نك دفتر

بر امام افندی نك حوصله مقاصدنی کوستر کوچوک

بر تتبعدر . محرری قایانوری بکدر و انامی کوزلدر .